

Hong Kong School Drama Festival 2009/10
Synopsis & Script of School Play with "Adjudicators' Award"
二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : HOTUNG SECONDARY SCHOOL

學校名稱 : 何東中學

Name of Play 劇名 : 她們

Script writer 劇作者 : 溫美欣

For adaptation works, please specify: 如屬改編劇本請填寫：

Name of Original Work 原著作品名稱 : _____

Original Author 原作者姓名 : _____

Name of Adaptor 改編者姓名 : _____

Synopsis 故事大綱:

兩個女孩子 — Phoebe 和阿純，因為愛而走在一起。她們要面對的不止是一般情侶要面對的問題，還需要面對旁人的目光。不過，Phoebe 和阿純堅持，仍相信愛不應因性別而受阻礙。但是，Phoebe 和阿純最終分開，究竟是因為旁人的目光？家人的反對？性別的矛盾？還是.....

Script 劇本:

Songs : 再見露絲瑪莉

開幕(全世界)

Phoebe同阿純擦身而過....phoebe先轉過身...

(V.O.: Phoebe:阿純，如果我地好耐好耐都唔搵大家，唔話比大家聽我地點，唔俾大家知大家既改變，你覺得當我地撞番既果一日，我地仲會唔會認到大家啊？

阿純:當然會...我同你唔單止係戀人咁簡單ga，

Phoebe:咁既話..我就好期特我同阿純重遇既果一日既情況...

阿純:點解？

Phoebe:因為..... 我決定左要去英國留學，)

Songs : 密友

第一場

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(阿純媽，阿純，*家)

(阿純入)

純:媽，我有d野想同你講啊

媽:咩事啊?!

純:你之前咪話過唔反對我拍拖ga?!

媽:係啊，咁你大個女啦ma..

純:咁如果我同你講，我依家拍緊拖，你會點啊?!

媽:咁你幾時帶上黎俾比睇下啊

純:媽，你真係唔介意?

媽:只要你唔好再令d成績變差就得啦

純:咁你放心都得啦，phoebe佢成日都叫我溫書的

媽:咁咪好lor，咦，阿純啊，點解依家有男仔叫phoebe?

純:媽，其實phoebe係女仔，唔係男仔，我係同女仔拍拖

媽:(靜左)

阿純:有問題?

阿媽:你唔覺有問題??

阿純:咁你即係唔同意啦 (起身走)

阿媽:(即接)我唔係唔同意..(停幾秒..)只係我覺得你地一起一段時間唔係問題...但係..長久之下..係咪真係得呢?話晒你地兩個都係女仔啊ma

阿純:我同PHOEBE一起唔係玩玩下GA..我好清楚我自己做緊咩野...

阿媽:你根本就唔清楚你自己做得岩唔岩...

阿純:我點解唔知啊?我同自己鍾意既人一起有分岩同唔岩架咩?

阿媽:同自己鍾意既人一起就緊係無所謂啦...只不過，你選擇既對象錯呢..

阿純:你唔係我，又點會知我選擇錯啊?

阿媽:唔只係我知你錯...社會上都會有好多人覺得你地錯啊

阿純:我唔介意人地點睇我...

阿媽:咁phoebe呢?你又知佢願意受其他人歧視?

阿純:佢.....

阿媽:就算佢唔介意..你又可以忍心見到佢受其他人歧視架啦?

阿純:(擰轉面...無言...)

阿媽:我都係想你好姐...唔通我會想你衰咩?

阿純:(搶左黎講)得啦...得啦...總之我大個女，我知應該點做啦 (走....)

(等番阿媽，嘆氣.....)

(漸BACK OUT)

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場(phoebe ，阿純，阿TUNG ， DAN ，阿梓，吳明)

PHOEBE:嘩..套戲好恐怖啊。

阿純:(扶著PHOEBE) 有事架，套戲咋嘛...

阿TUNG:你睇下佢地...幾恩愛啊...

DAN:你下次驚...我都咁“tum” 你..好唔好??

阿TUNG:...衰人..(追著阿DAN)

阿梓:喂...你地兩個咪玩住啦...戲就睇完啦..我地跟住去邊玩先..???

阿TUNG:不如我地去行街啊

阿DAN:又行啊?我同你琴日先行完，你成日咁行，唔悶架?去打機仲好啦

阿TUNG:車，你覺成日都去打機啦，又唔見你話悶

阿梓:哎呀!你地兩個成日都為左行街同打機吵就係最煩...(行去p到) 喂，你地兩個想去邊啊?

PHOEBE:我同阿純一陣唔得閒啊

阿DAN:你地又去過二人世界啊?

阿TUNG:唔好啦，你地前日先過完二人世界，

阿純:今日我地唔係去過二人世界，係去過三人世界

梓:好啊~

(dan，tung呆左...)

阿DAN:下?你地唔係.....(指住p同梓既拖手.)

(梓縮手，dan，tung指住梓，之後阿梓指住p個肚)

阿梓:PHOEBE...你唔係啊?

PHOEBE:哎呀!你地咪亂講啦，邊會有D咁架事發生啊?!

阿梓:咁阿純你講咩三人世界啊?

阿純:我所指既三人世界係我，PHOEBE同埋PHOEBE個媽

阿TUNG:你，PHOEBE，PHOEBE個媽?

阿DAN:你仲唔明啊?(阿TUNG搖頭)，有人要去見家長啊

阿梓:咩見家長啊?講到咁誇張，只不過係一起食餐普通飯姐

阿TUNG:HEY，見家長就見家長啦...唔使唔認WOR...

(Daisy出)

Daisy:嘩，我有無聽錯啊? (個個擰開面) 有兩個女仔拍拖已經出奇架啦，竟然仲話去見家長
wor

咁又係..唔係個個都好似我咁搵到個又靚仔又有錢既男朋友咩?搵唔到LOR咪事但搵個LOR...

阿DAN:(拉阿tung行前) 阿TUNG啊，我有無聽錯啊?有D人竟然話自己男朋友靚仔WOR，但明明



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

佢男朋友個樣似足D電車男架BOR

阿TUNG:我諗你無聽錯啦，因為我都聽到啊

Daisy:哼! (行去p度) PHOEBE啊，其實你係咪搵唔到男朋友姐?要唔要我介紹D比你識啊?

阿梓:嘩，我諗你都係留番比自己啦

阿DAN:人地PHOEBE宜家同阿純一起都唔知幾好啊，洗鬼你介紹男朋友比PHOEBE啊!

Daisy: (行去中間) 唔係WOR，雖然無左以前個男朋友，但都唔洗好似依家咁卦。搵番一個真真正正既男仔做男朋友，點都好過搵一個「番」版男朋友呀!

阿DAN: (行去Daisy後面) 喂!Daisy你好啦BOR，唔怪得人地起個花名俾你啦..Bitchy...Bitchy....你真係好Bitchy，一個八婆，成日都無啦啦係人地後面出現..之後又插把嘴埋黎，你地好得閒架?人地PHOEBE同阿純兩個點，關鬼你咩事?

Daisy:喂!你覺好啦WOR，我係同PHOEBE講野，唔係同你啊!你講咩講姐?

阿DAN:點解唔可以講啊?我係PHOEBE阿純D FD黎架!

阿TUNG:咪LOR，人地兩個一起關你地咩事姐?又唔係影響到你!

Daisy:我都係好心，想幫佢搵番個男朋友啫。佢地兩個一起啊，根本就唔會長久架啦。

阿梓: (行去阿dan隔離) 原來你識預測未來架?好神奇WOR

Daisy:車~係人都知啊，兩個女仔一起會有咩將來啊?拍一段無結果既感情都唔知你地為咩呀?!

阿DAN: (向後向tung伸手，之後行去左前面) 邊個話兩個女仔拍拖係無將來架?

Daisy:咁你地話啊，兩個女仔拍拖可以有咩將來啊?

All:走啦...咪理佢....(純停左..擰轉望向吳明走左既位)

第三場 (阿純，PHOEBE，修女， *餐廳，街*)

純:phoebe呀，我地要唔要買D野上去你屋企呀?

p:唔使啦...我知道媽咪準備左好多餸

純:下..?食唔晒咁點算?

P:唔理架啦，你一定要食晒佢架啦...哈哈

(修女出...)

修女:噯，你咪phoebe

P:你好呀，得閒修女?!

修女:嘩..phoebe你咁大個女啦?

P:係啊，我地都已經好耐無見啦，我依家中五啦已經，係wor，你係咪仲係係小學果度做啊?

修女:係啊

純:哩個邊個黎架?!

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

P:o，佢係我以前小學既修女啊

純:ooo

修女:(行前) 哩位係...?

P:(縮手)，(阿純望p)

修女: PHOEBE，你唔係(指住阿純)同哩個女仔拍拖啊?

P:(無言) (純行開)

修女:(行前，捉住p手) 你又唔係唔靚女?點解會選擇做同性戀呀?

阿純:喂..你咩意思啊..??

修女:依家d電視啊..簡直就係教壞細路 ...你地知唔知啊，聖經入面話，神創造天地時候，已經係創造一個男仔，一個女仔，兩個互相結合，繁衍下一代架?點解你地兩個女仔要拍拖?

阿純:咁你知唔知聖經入面說過我地要努力做野，仲要知多d身邊發生既事啊!好心你就update下依家D新資訊啦，同性戀唔犯法架! (p 去拉阿純，情侶二人旁出) 唔知頭唔知路就咪講得咁大聲話人錯啦!

修女:嘩!你好無禮貌啊

純:我阿媽淨係教我無禮貌既人係果d亂咁將自己既價值觀強放係人地到..

情侶A:我認同佢講D野啦，同性戀唔犯法架! 哩個世界邊有分話岩同錯架?鍾意就緊係一起架啦...

情侶B:咪LOR，好心你啦...依家人地一起得罪左你咩?

修女:你地有無諗過你地咁做對個社會文化，人既價值觀，人類既未來會有好大既改變啊?無啊~你地無啊~

情侶B:(行去修女隔離) 首先!我地哩D同性戀有對你地做成D咩影響啊?會對你既生命造成威脅咩?

無啊! (修女轉頭走...情侶a擋住)

情侶A:咪LOR~依家鍾意有罪咩?而且你認為我地可以做到每個人既價值觀一樣?對所有野既睇法都一樣咩??根本就無可能 (修女轉頭走...情侶b擋住)

情侶B:如果個個人既想法都一樣...哩個世界唔想發明啦?個個人都無創意既...到時人類就真係無未來喇!

(修女轉頭走...情侶a擋住)

修女:唉，我唔理你地~ (從純同p中間走)

情侶A: 喂!你唔好走呀!(情侶追出)

阿純:我地走..(拉住phoebe走...)

第四場(PHOEBE家，阿純，PHOEBE媽，* PHOEBE家)

p:媽..我番左黎啦...

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(媽旁出)

媽:哩個就係阿純啦?!

p:哦..係啊

媽:哎呀!死啦...我今晚煮既飯唔夠三個人食tim

p:下..但我明明一早同你講好左阿純今晚黎架

媽:唉~你地d細路一時一樣...點記得姐

純:唔緊要啦...我地兩個落街食lor..

媽:咁..快d食快d番啦bor (轉身走)

p: (媽停) 唔好姐..我地留係度食姐...(p行去阿媽度..)我地係度食啊

媽:係呢...阿純啊，PHOEBE平時係學校係點 ga? 乖唔乖??

阿純:佢啊...ok啦...

PHOEBE:咩ok啊??明明我係學校好乖ga..你唔好亂講tim啊

媽:咦..係wor，聽講阿純運動好叻架bor

p:係啊，佢真係好叻架，拎過好多獎..岩岩就幫學校係學界拎左個獎啦

純:都唔係啊，鍾意玩姐

媽:咦~咁你唔鍾意讀書架咩?!

純:所以成績咪差lor

媽:唔得架bor，我鍾意同我個女相處既人係品學兼優

p:媽

媽:咦..係wor，都未知阿純的爸爸媽媽係做咩架 tim

阿純:我阿媽係我好細個既時候唔知去左邊..阿爸話佢係因為第二個男人所以唔要我地...之後阿爸同第二個一起..不過，三年前佢有cancer，之後就走左啦...

媽:咁即係孤兒仔?!

PHOEBE:阿純依家同緊佢既後母一起住..雖然係後母，不過佢後母都對阿純唔錯的...上次我去佢屋企食飯..佢阿媽整果d野好好食架

媽:原來係咁...睇黎阿純細細個過既生活比平常人辛苦得多...

阿純:咁每個人都有每個人應該行既路ge..不過，我絕對唔會好似我阿媽咁...組成左一個家庭，點知就走左去...我一定唔會!!

PHOEBE:咁我揀阿純咪揀得好好lor...

(兩人對笑..阿媽呆左..)

PHOEBE:媽咪...你無事啊ma??

媽:下...無..我無啊..不過阿純個姓都幾特別下...

PHOEBE:你又想點啊?!...姓白姐，有幾特別啊?!...你之前都話有個舊朋友都係姓白啦，咦..係wor...唔知會唔會咁岩阿純都識呢...?啊~我記得之前媽咪你比過張相我睇ga...等我去搵下先...(起身走)

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

媽: 唔使啦...唔會有咁岩啊?...唉~哩個女真係啊...夠晒即興啊..係第二個櫃啊

PHOEBE:啊...我搵到啦...(跑過去)

PHOEBE:你地睇下...媽咪果陣時好靚啊...

阿純:係wor..阿姨後生果陣真係好靚wor...

媽:邊係啊..咪聽過傻妹亂講啦...

PHOEBE:阿純..你愈黎愈識賣口乖啦...哈哈..媽咪啊..之前你係咪企係你左邊哩個都係姓白GA?

媽:啊..係啊...

阿純:咦...哩個咪係我阿爸lor，原來阿姨之前係識我阿爸架...

PHOEBE:下...真係架??原來媽咪同你dady係識架...??嘩.阿純我地好有緣啊...

媽:阿純...你頭先話哩個係你阿爸??

阿純:係啊....

PHOEBE:媽咪...你無野啊?

阿純:係lor..阿姨你無咩野啊ma?無唔舒服啊?!

媽:無...我無咩事..我入去拎d生果出黎比你地食...

(PHOEBE，PHOEBE媽，*家)

PHOEBE:媽咪..我件藍色衫放左係邊啊?

媽: (呆左 ..無理)

PHOEBE:媽咪啊...你做咩事最近成日都係咁姐...頭先食飯又係咁?

媽:無啊...邊有啊?

PHOEBE:媽咪啊?你係咪唔想我同阿純一起姐?!我係你個女黎架..

媽: (猶豫) 其實.....如果媽咪話比你聽...媽咪以前做過D錯事..你會唔會原諒媽咪?

PHOEBE:每個人難免都會做左D錯既事，只要識得改過..咪得LOR

媽:但係..如果哩個錯，係十分大既錯呢?

PHOEBE:但係，我相信媽咪當時你都唔想GA...係咪啊?

媽: (望住PHOEBE，過左一陣，起身背住PHOEBE) :如果我話....你同阿純係唔可以係埋一起..你會點?

PHOEBE:(起身..)點解?之前媽咪你唔係都唔反對GA咩?

媽: (即接..好快就講)因為當時我唔知....(停左..)

p:係咩?媽咪啊..你講落去啦

媽:都係無野啦....

p:媽咪啊...既然係有原因既做咩唔講啊?

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

媽:我講左你會好傷心架

p:你都未講..點知我會點姐?而且我覺得我有權知道lor

媽:你地...兩個其實係兩姐妹

PHOEBE:你講咩話?阿純點會同我係姐妹關係啊?

媽:媽咪生你之前同另一個生左阿純..因為，當時阿純阿爸佢成日唔係屋企..之後我識左你阿爸..我地兩個就一起左..之後更離開左佢地..生左你...

PHOEBE:我唔信..你哋我...其實你係因為唔想我再同阿純一起..所以你先會講哩個大話..係咪?

媽:我講真GA...你唔記得你果日拎過張相出黎咩?阿純都話佢係我隔離果個係佢阿爸..當時我就係同佢一起緊

PHOEBE:咁即係話...阿純好憎果個就係你...

媽: (無言)

PHOEBE:(搖了搖頭) 點解?點解當初你可以因為阿純個阿爸因為做野所以唔可以成日係屋企而走去識第二個?你知唔知阿純一路以來都為哩件事好唔開心架?

媽:我唔想GA...

PHOEBE:你一句唔想..但就傷害左好多人啊...

媽:我知...我知我錯...我都有後悔過..但係，我點估都估唔到你地兩個會遇見仲一起左，但係...總之你地兩個唔可以係埋一起架

PHOEBE: (停左陣)你教我點接受哩個事實啊? (漸退後走...)

第五場

(PHOEBE, 阿梓 * 餐廳)

阿梓: 話時話啦..你呢排去左邊啊?!個個都搵左你好耐WORPHOEBE:.....

P:...

阿梓:講黎聽下

Phoebe:.....

阿梓:同阿純有關GA?

Phoebe:(點頭) 嗯...

阿梓:做咩啊?!你地鬧左交?

Phoebe:(搖頭)阿梓...我真係唔知點做好...

阿梓:發生左咩事啊?識左你咁耐..都未見過你咁既樣

phoebe:原來....我同阿純係唔可以係埋一起GA...

phoebe: (接著)我同佢....原來係有血緣關係...

梓:好得WOR條橋成套電視劇咁..

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

P:如果係做戲就好啦...

P係真架...佢真係我親生家姐

阿梓:所以你就避開阿純?咁你諗住點做啊?

P:我唔知啊~ 點解，當我地身邊所有既人都無反對既時候，偏偏有件咁既事走出黎?我真係好鍾意阿純，我唔想同佢分開啊，

阿梓:(停幾秒..) 依家唔係話你唔想就唔想..你地依家係兩姐妹，就算唔係兩姐妹，你地兩個都係女仔，始終有D野，你地都係大家都俾唔到大家....

phoebe:我放唔低阿純啊~

阿梓:咁要睇下你自己點做啦，我相信一生人中，會遇到可以俾我地幸福既人，亦都會遇到會幫我地尋找幸福既人，到底阿純，係一個可以比到你幸福既人?定係其實佢係你係人生中其中一個會幫你睇清幸福係邊..幫你搵到幸福既人?

P:我...

阿梓:我咩我啊~我地唔可以因為做唔到就唔理...勇敢D啦你~

Phoebe:(停一陣..)我係咪真係會無左阿純?

阿梓:接受現實吧啦你~不過你依家多左一個家姐..一個可以永遠支持你，永遠係你身邊既親人

阿梓:家姐真係可以無條件咁係你身邊支持你，唔會因為時間或者其他因素而離開你，

Phoebe:哩個世界真係要失去一樣先可以得到一樣?

阿梓:就係因為咁..所以我地就要識得去珍惜我地身邊既所有野..因為你唔知你身邊既野會幾時離開你..

Phoebe:咁又係..我知道我應該點做啦..

阿梓:咁就好啦..我希望你可以真真正正咁可以搵到幸福...

Phoebe: 嗯..我諗我會的

阿梓.:唔係你諗..係一定要啊

P: (點頭)嗯!

Phoebe: 我地一定會搵到幸福

第六場

(Phoebe ，阿純 *街)

(Phoebe 坐係度.. 阿純入)

Phoebe:等左好耐啊?

阿純:唔係啊，一陣炸ma，

Phoebe:...我...有野想同你講..你可唔可以一次過聽晒我要講既野先啊?

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿純:突然咁認真GE?好啦...你講，我聽

Phoebe:你唔可以中途打亂我

阿純:係啦..

Phoebe:(停一陣..先講)係好耐之前，小芬同左佢自己鍾意既小芳一起，佢地得到身邊既人支持，佢地以為佢地可以好開心咁繼續一起，但係有一日，其中一個發現左一個秘密，一個足以令佢地分開既秘密。因為有一日，佢阿媽同佢講，你唔可以再同小芳一起，因為，你地係.....兩姐妹，當佢聽到之後，佢唔知點做..但係佢最終都諗通左，雖然好難做，好難決定，不過佢知道即使結束依家佢地兩個人之間既關係，但係，佢地兩個都唔會因為咁而分開，更重要既係，佢希望佢地之間可以有更好的結局...(停左.....)阿純，其實，我就係小芬，而你就係小芳，我地係兩姐妹....

阿純:你講咩啊?點解我聽唔明啊?咩小芬又小芳姐...我點會同你係兩姐妹啊?

Phoebe:當我知道左之後，我都好似你咁，但係..哩個的確係一個事實

阿純:你教我點接受啊?

phoebe:我知道好難接受，但係我地唔可以因為難接受而唔去改變唔去理架 ma?

阿純:.....

Phoebe: (停左停..) 阿梓同我講過，人的一生中，會遇到可以俾我地幸福既人，亦都會遇到幫我地尋找幸福既人，我相信阿純同我都係幫大家認清幸福係邊，最後我地大家都會搵到屬於我地真正既幸福...

阿純:.....

P:就算無哩件事發生，我地都唔會一起好耐架啦..話晒我地兩個都係女仔..有D野始終係大家都比唔到大家架，其實我地都唔知大家係咪鍾意女仔，定係我地只係覺得對方可以咩都傾得，可以一起玩，好開心

純:所以就作個咁既故仔?根本就係你自己介意人地點睇我地

Phoebe:唔係啊，你點唔信我都好，哩個的確係個事實，我比你更加難受，你試下企係其他人既位置去諗下啊

阿純:(搶左黎講)好啊~你想我企係邊個既位置去諗?你阿媽?

Phoebe:果個都係你阿媽黎架

阿純:由佢唔要我同離開屋企果刻開始，我已經無左佢哩個阿媽...我亦都受唔起做佢個女既福份

phoebe:你點可以咁講啊?

阿純:佢係你心目中真係咁重要咩?咁我呢?哩D係咩阿媽啊?

Phoebe:你唔好咁幼稚啦..阿媽佢都為哩件事內疚左好耐...試問有邊個未犯過錯?唔通錯過一次就唔再值得有機會黎過一次?

純:但係點解當初佢唔俾機會阿爸啊?!

Phoebe: 人地唔比機會你，唔通就你唔肯比機會人?阿純，你平時自己都會講..憎一個人，其實好辛苦架，件事都過左咁耐啦...就算憎，都有個限期啊，而且佢地有咁既決定幾時輪到我地出聲?講到底，



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

就算你阿爸仲係度，我諗佢都唔敢承認佢自己無錯啊....佢地之所以分開，一定有佢地既理由...就好似我地咁...

阿純:(無言)

phoebe: 你自己之前都識講啦，人一生，最重要都係想開開心心咁過姐，依家係我地面前既問題，其實好容易就可以解決，我地又何必自尋更多的煩惱呢?開心唔係應該比所有野都重要咩?

純:係!我只係想你開心,,,

Phoebe:(停一陣..)阿純啊，如果我地好耐好耐都唔搵大家，唔話比大家聽我地點，唔俾大家知大家既改變，如果有一日我地撞番，我地仲會唔會認到大家啊?

阿純:會...因為我同你唔單止係戀人咁簡單

Phoebe:咁既話..我就好期待我同阿純撞番果一日既情況...唔知道當我地撞番既時候，我地會用咩眼神望大家呢..??

阿純: (好猶豫既表情)

Phoebe:因為..... 我決定左要去英國留學，其實我一早已經好想做哩樣野..不過之前驚無阿純係身邊會唔習慣，但係習慣係因為時間，而且，我真係好想係出面既世界行一轉...

阿純:我記得，我記得你曾經講過，你既夢想係可以環遊世界..

Phoebe: (點頭)

純:我地真係要分開?

Phoebe:(點頭..)

純:(無言)

p:咪咁啦...你啊，一定要記住我地之間既約定，係我地撞番之前，唔好話比對方知大家過成點...

阿純:我會等我地撞番果日..

第7場

(*餐廳，阿梓，PHOEBE)

阿梓:阿姨，離開左幾耐啊?

P:成年啦...其實我知媽咪佢鍾意香港多D，但係之前一直都抽唔到時間番黎香港，所以...一直到依家....

阿梓:咁你呢?一去英國就去左4年..過得好唔好?有無拍拖先?!

P:阿梓啊(停幾秒...) 係媽咪過生之後，我係佢間房搵到封信，係關於我同阿純的...封信到話...我同阿純根本唔係姐妹，當初媽咪係因為唔想我再同阿純一起，所以就講左哩個大話... (Phoebe媽信V.O.)

阿梓:咁你依家知道你同阿純唔係姐妹，你唔搵番阿純?定係你發現你其實係鍾意男仔呢?

P:(無言..)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

P:其實...我仲好掛住阿純

梓:咁做咩唔搵番佢姐?

P:我同佢...根本唔會有結果...

梓:咩叫無結果先?果陣時仲細個就話唔懂事姐，依家都係成年人啦..如果唔係既話，你媽咪就唔會寫哩封信等你依家大個左知哩個事實，而且，唔通你依家先驚人地點睇同性戀?點睇你地?你覺得無結果既原因定係你地唔再鍾意對方啊?

P:睇下點啦..但係或者你講得岩，當初段感情係我自己放棄GE

Songs : 密友

閉幕

Phoebe同阿純擦身而過....phoebe先轉過身...

(V.O.: Phoebe:阿純，如果我地好耐好耐都唔搵大家，唔話比大家聽我地點，唔俾大家知大家既改變，你覺得當我地重遇既果一日，我地仲會唔會認到大家啊?)

阿純:當然會...我同你唔單止係戀人咁簡單ga，

Phoebe:咁既話..我就好期特我同阿純重遇既果一日既情況...

阿純:點解?

Phoebe:因為..... 我決定左要去英國留學，)

Songs : 再見露絲瑪莉

完